

INUIT ATAQATIGIIT

Inatsisartuni



25. august 2017

UKA 2017/41

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq saqqummiuppara:

Eqqumiitsuliornеруп инуусутисарсиутит, siunissamilу nunatsини, nunattалу avataani nivernikkut tunisassiatut, nunattалу avammut nittarsaanneqarneranut iluaqutaanerulersinneqarnissaa, oqilisaavigineqarnerulernissaallu pillugu qanoq ililluta suliniuteqarsinnaanerput pillugu apeqquteqaat aallaavigalugu oqallisissiassatut siunnersuut.

(Inatsisartunut ilaasortaq, Peter P. Olsen)

Eqqumiitsuliornеруп silarsuaata iluani suliaqartutut taaneqartartut ilaatigut makkupput: Nipilersortartut, atuakkiortut, isiginnaartitsartut, filmiortut, assiliartut, qalipaasartut, qiperuisartut, qitittartut, allallu pinngorartitsinkut nutaalianik suliaqartartut.

Nunatsини eqqumiitsuliornikkut piginnaasalippassuit amerlaqaat. Sumulluunniillu qiviarutta nunaqqatitta akornanni eqqumiitsuliornikkut pilersitaannik takusassaqartuarpuget, tusaasaqartuarlarlataluunniit. Immaqa ulluinnarni tamakku eqqarsaatigineq ajoraluarlugit taammaattoq annertuupilorujussuarmik sunniuteqartarpot.

Eqqumiitsuliorneq tassaannaanngilaq sunngiffimmi suliaqarneq, kisiannili aamma tassaasoq inuussutissarsiutaalluarsinnaasoq aammami tamatta atuagarsorlatalu aalisartusinnaannginnatta.

Nipilersortartoq assersuutigutsigu, nipilersortartoq appisimaariarpoq atortarissaarutit pitsasut aningaasarpassuarnillu nalillit nassarlugit. Akunnerparujussuit, inuunerminilu annerpaartarujussua sungiusarnermut atoreersimallugu. Angalavoq, timmisartorpoq, nerisaqarpoq, nipilersorfigisassaani inupparujussuit suleqataapput, imigassarpassemuut tuniniaasoqarpoq, qullilerisut, nipilerisut, matulerisut, tuniniaasut, inuppassuillu akiliillutik tusarnaariarlutik. Naggataatigullu akunnittarfimmuk innariartorluni.

Appisimaartoqarnissaanut inupparujussuit sulisinneqarput, tamavimmillu akileraartarpot, aningaasarparujussuillu kaaviiartinneqartarpot. Nipilersortartorlu nuannisartitsereerluni angerlartarpooq aaqqissuussinermi aningaasat kaaviiartissimasami 2 %-naata missaanik akissarsimalluni. Taakkulu qaavatigut aamma akileraarutigalugit.

Akileraartarnikkut, ilanngaatitigulluunniit aaqqisoqarsinnaanerpa? Imaluunniit immikkut angallannikkut tapiissutaasinnaasumik periarfissiissanerpuget?

Assersuutigiinnarlugu savalimmiuni inuussutissarsiutigalugu nipilersortartut amerlapput. Naak uagutsinnik amerlanerunngikkaluarlutik, uagutsitullu avinngarusimatigigaluarlutik.

Assersuutigiinnarlugu taqqavani imerniartarfinni nipilersortartut akileraartinneqarneq ajorput.

Eqqumiitsuliortup suliaata nalinga eqqumiitsuliortumut uterteqqittariaqarparput.

INUIT ATAQATIGIIT

Inatsisartuni



Eqqumiitsuliortup inuiaqatigiinnut tunniussaa annertooq aamma eqqumiitsuliortumut uteqqisinnaasariaqarpoq, taamaaliornitsigut eqqumiitsuliornikkut suliaqarneq akilersinnaasunngortilutigu.

Nunatsinni pissutsinut eqqumiitsuliortunut aporaatsitsisuni annerpaaq tassaavoq internet.

Eqqumiitsulioriaatsit eqquaasut ilaat uku pingasut tassapput; Atuakkiorneq, filmilorneq aamma niplersorneq. Taakkuupput interneteqalernerani eqquaanerpaanngorsimasut.

Naak internet periarfissarparujussuarnik ammaassisgaluartoq, pingaartumik nunatta avataanut ammaassisussaagaluartoq, nunattalu isorartunerujussuanut aaqqiissutaasinnaalluarluartoq, taakkununnga eqqumiitsuloriaatsinut ajoraluwartumik artukkeerujussuaannarnikuusimavoq.

Internet atorlugu illoqarfiit, killeqarfiillu apeqqutaajunnaarsittaraluarai taamaattoq, eqqumiitsuliap nalinga appartittarpaa. Pingaartumik nunatsinni taamak ikitsigitilluta, internet atorlugu nittarsaanermi tuniniaanermilu suliap nalinga annertoorujussuarmik tunisaqaqqarluni aatsaat imminut akilersinnaasarmat.

Internetimut tulluussakkamik eqqumiitsuliornikkut tapiissutit suliareqqissanerpagut ullutsinnut naleqquettunngorlugit? Taamaalillatalu nunarput eqqumiitsuliornikkut avammut nittarsarinnaanngorlutigu?

Eqqumiitsuliorneq politikkikkut katitigaanerup iluani tigussaasunngortittariaqalerparput, inuussutissarsiutaasinnaasutut akilersinnaanngortittariaqarparput, nukerujussuaq pigeriigarput atorluarnerulertariaqarparput.

Akileraartarnikkut ilanngaatitigulluunniit oqilisaaffigigutsigit inuussutissarsiutaanerulernissaammaatissavarput.

Angallannikkut, suliaqarnermullu tunngasunik tapiissutit aaqqissuuteqqikkutsigit suliaqarnerulernissaat ammaatissavarput.

Eqqumiitsuliornikkut internetip nalikillisitsarnera iluarsiffigigutsigu periarfissarparujussuarmik ammaassisaaq nunatta iluani nunattalu avataanut.

Eqqumiitsulianik saqqummersitsivimmik pilersitsisa; eqqumiitsuliortortatta suliaannik takutitsivimmik nunattalu avataaniit ornigarneqarusuttussamik aamma tunitsiviusinnaasumik pilersitsisa.

Qaffasinnerusumik eqqumiitsulianik pilersitsisinnaanngoqquelluta, eqqumiitsuliornikkut ilinniarfiit assigiinngitsut tapersersortigit.

Kikkulluunniit sunngiffimminni eqqumiitsuliorneq ingerlassinnaavaat, kisianni kinaluunniit inuussutissarsiutigalugu inuusinnaanngilaq pissutsit taamaatsillugit.

Taava pisinnaasortatta periafissaat pitsanggorsartariaqarpagut. Inuit Ataqatigiit isumaqarpugut ukunani taasatsinni iluarsiissuteqarutta pitsaasumik eqqumiitsuliorneq eqqumiitsuliortunut akilersinnaanerulersitsissalluta.

Eqqumiitsuliornerlu aqqutigalugu nunarput avammut nittarsaalluarsinnaanerulissavarput